



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 151. Austriæ Dux a Papa anathemate percussus provocat

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.
A.C. 1460.

hucdum viventem adiret, qui Ducem, cum incassum saniora ei consilia persuadere laborasset, anathemate perculit, omnesque illius ditiones interdicto subiecit. Hunc totius negotii statum cum Pius II. ad summum Pontificatum evectus percepisset, omne impendit studium, ut Sigismundum cum Cardinale conciliaret, sed operam perdidit. Nihilominus Cardinalis ad suam Ecclesiam rediit, fretus maxime literis Austriæ Ducis, quibus ille eidem promiserat, se deinceps nullam ei illaturum molestiam, sed pristinam potius concordiam reducturum. Attamen Sigismundus datam fidem fefellit; ipsa enim Paschatis die oppidum, in quo Cardinalis agebat, vi cepit, arcemque, ad quam confugerat, oppugnare aggressus, ultro in deditionem accepit, Cardinalem vero in arctissima custodia cum summa ignominia servari iussit, libertatemque concedere negavit, donec quoddam Ecclesiæ castrum ipsi tradidisset, atque ingentem pecuniarum summam numerasset.

§. CLI.

Austriaci a Papa Excommunicati ad futurum Concilium appellatio.

Pius II. cum rei indignitatem abominaretur,

retur, crebrasque suas adhortationes hucusque nihil profecisse cerneret, anathematis sententiam in Austriæ Ducem promulgavit, ut patet ex epistola, quam Pontifex ad Episcopum Basileensem Romæ die decimo Januarii Anno supra millesimum quadringentesimum sexagesimo primo dabat, eaque potissimum in præfatum Episcopum invehebatur, eoquod neglectis Sedis Apostolicæ censuris, Sigismundi consortium non declinasset, perinde acsi excommunicatus non esset. Ipsa vero excommunicationis Bulla, quæ Senis die octavo Mensis Augusti hoc anno promulgata fuit, haud amplius extat; ab hac tamen Gregorius Heimburgensis, qui teste Gobelino in Conventu Mantuano Friderici Imperatoris, Alberti Austriæ Ducis, & Sigismundi Orator erat, ad futurum Concilium, ejusdem Sigismundi nomine, provocavit. (*) Contra istum ergo Pius II. edictum edidit, idque promulgandum ad Germanos misit, & præcipue ad Magistratus Norimbergenses, eoquod Heimburgus ibidem ferme triginta annos Syndici munere functus esset. Epistola ad Norimbergenses data est Romæ decima octava

Octo-

Sæcul. XV.

A.C. 1460.

Appell. &

contrad.

Greg. de

Heimburg in

4. Francof.

(*) De hac appellatione consule appendicem
Abbatiss Ursperg. pag. 107.

Sæcul. XV. A.C. 1460. Octobris die currentis anni. (*) In hac præfatæ urbis Consulibus, atque Magistratibus mandat, & declarat, Heimburgum tanquam hæreticum, criminisque læsæ Majestatis reum, esse vitandum, cunctaque ejus bona ærario publico addicenda, eum vero ab omni hominum societate arcendum; eoquod unitatem Ecclesiæ turbasset, atque ad futurum Concilium appellare præsumpsisset, quamvis ejusmodi provocationes severe prohibitæ fuissent per Bullam, quam non ita pridem Papa cum consensu Venerabilium fratrum suorum S. R. Ecclesiæ Cardinalium condiderat. Huic epistolæ Pontifex etiam inseruit bullam eadem die octava decima Octobris datam, per quam Gregorium Heimburgum anathemate subjiciebat. Hic vero non modo hanc Constitutionem additis annotationibus vilipendit, sed etiam rursus ab illa appellavit. Adversus hujus Doctoris criminationes pro tuenda Pii II. auctoritate Theodorus Cælius Episcopus Feltrensis apologiam conscripsit, quæ vere est opus omnibus

(*) Vide appellationes & contradictiones ab excommunicatione injusta Sigismundi Ducis Austriæ & Greg. de Heimbourg in 4. Francofordiæ anno 1607.

nibus numeris absolutum, ac viginti se- Sæcul. XV.
 ptem paginis constat; eandem tamen A. C. 1460.
 Gregorius contrario libello non minus
 verbis, quam convitiis copioso confutare
 conatus est, ac insuper valde virulentum
 longe ac mordacissimum scriptum adver-
 sus Cardinalem Cusanum edidit. Cuncta
 ista opera in unum minoris formæ volu-
 lumen contracta Francofordiensibus lite-
 ris Anno millesimo sexcentesimo septi-
 mo excusa prodierunt, & hac inscriptio-
 ne insigniuntur: *Appellationes & Contra-*
ditiones ab excommunicatione injusta Sigis-
mundi Austriæ Ducis, Comitis Tirolis, &
Gregorii Heimburgii &c. Hæc omnia In opere su-
 postmodum Goldastus primo & secundo pra cit. pag.
 suæ Monarchiæ tomo inseruit. Idem 15.23 & 51.
 quoque Heimburgus alium elucubravit
 tractatum, cui titulus: *Admonitio de in-*
justis usurpationibus Paparum Romanorum
ad Imperii Reges & Principes Christianos,
 in quo tamen opere plurimum a vero tra-
 mite aberravit, cum immodica in sum-
 mos Pontifices rabie invehetur, ac se om-
 nium, quotquot præsens sæculum tulit,
 accerrimum juxta ac furiosissimum Sedis
 Apostolicæ inimicum proderet.